

壬癸志稿二十五

太倉錢寶琛伯瑜輯

同里

葉裕仁涵溪
季錫疇菘耘
趙兆熊耳山
畢庭杰雄伯

參校

人物

鎮洋縣

義行

國朝

畢禮字幼和貢生先世由河南偃師遷歙復由歙遷太倉少讀書家貧習懋遷以養親中年漸饒裕兄弟五人

壬癸志稿

鎮洋

義行

一

亭子橋置義塚於東一都捐助育嬰堂田畝公建社穀倉厥里中事無大小必倡率經理卒年七十七子鏞字東里監生與妻弟吳門張鳳孫以文行相助力學致疾先卒孫沅瀧雲並有傳

錢枚字芳蔚恩貢生家貧篤學授徒里中弟子多掇巍科登顯仕枚惟以道義相勸語不涉私生平口約腹裁營數世葬事撫亡弟之孤寡恩誼昭著舉鄉飲卒年七十一

王國瑞字麟書明相國錫爵後諸生有文行婦有奩田數十畝婦族欲弗與構端成訟國瑞卽推與之曰丈夫

貴自立安用婦田爲訟乃已相國故第族人謀鬻之有成議矣國瑞率子姓哭諸廟族人畏義得不鬻其風槩類此

顧煥爵字功榮梅子母錢中年寡撫以成立煥爵勤習舉業補蘇州府諸生事母孝得脩脯悉供甘旨母沒三年不居內寢雍正八年秋海溢漂沒無算倡同人掩埋以千計又設放生會晚年好道與人言輒以忠孝相勸乾隆初 詔舉孝廉方正知縣欲以其名應謝不赴蔣治字兆康道光三年水災佐有司賑貸又出己粟平糶兩月發所蓄木棉減價賣之資貧民紡織全活無算

壬癸志稿

鎮洋

義行

二

大吏以名聞 賜鹽運司提舉銜邑中善舉知無不爲先後用財不下數萬緡沒後鄉里思之

錢欽浩字載川坪六世孫廩生少孤母蘇州彭氏嫻詩禮教之成立性慈善好施予親族告貸踵相接飢者食之病者藥之死亡者殯殮之無倦容無德色鄉黨稱善人

壬癸志稿二十五終